

## Kinner wie die Zeit vergeht

Wenn merr sich trifft werdd joo vill geschwätzt.

Was hotter dann, de Karl?

De Karl hott om letzde Sunndaach gemerkt, wie schnell die Zeit vergieht.

Unn, wie hotten dess gemerkt?

Ei wie er gemerkt hott, dasses owends so long hell iss, unn doo guckder uff de Kallenen unn moont, in e paar Daach werrn die Daache schunn werre kerzer unn bald iss de Summer erum.

Jetzt hawwe merr schunn Oofong Juni, was vergieht die Zeit so schnell.

Den Friebling hotts garnit gewwe, im April war Summer

Weil doo drauße hinner de Wissemiehl singe ewe so vill Veechel – hosde die Nachtigalle geheert?

Ei klar, sachts Kättche, unn enn Guckuck hott gerufe unn enn Pirol aach. Der heeßt zwar Pingstvochel, awwer der iss jetz schunn doo.

Ich moon: Om meisde freu ich mich awwer iwwer die Turteldäubcher. Wenn ich die heer, erinner ich mich droo, wie ich als Kind mettem Ruppertsvadder ins Feld gefahrn bin, dess war so die ersd Vochelstimm, uff die de Opa mich uffmerksam gemacht hott. Wenn ich heitzedaach die Turteldäubcher heer, erinner ich mich immer noch, wie ich uffem Waache newerm Opa gesetze habb, die Kuh devor, die uns gonz longsom ins Feld unn widder hoom gebrocht hott.

ölf.

Honnes, sächts Kättche, aach unser Enkel misses nemme wies kimmt. Wenn die emol groß sinn, was werrds doo gewwe, was moonsde, Honnes?

Ich waaß ess nit. Ich hoff nor, dass die sich aach emol droo erinnern, was ihr Oma oder ihrn Opa ihne erzählt hott.

Mir gehn efter esse unn was mir dehoom sparn, doodefoo lewe merr die gonz Woch!

Eiern Honnes